



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU BOSANSKE STRANKE „BOSS“

Broj: 09-07-6-1183/07
Sarajevo, 15. maj 2008. godine

SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja političke stranke **Bosanske stranke „BOSS“** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda i kancelarijske revizije utvrdili smo sljedeće:

Politička stranka nije postupila u skladu sa odredbama člana 11. stav 3. Zakona o finansiranju političkih stranaka.

Na osnovu našeg pregleda, odnosno revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Bosanske stranke „BOSS“ i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja „BOSS“ je iskazala ukupne prihode u iznosu od 208.556,83 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	161,29	0,08%
7	Prihodi iz budžeta	197.093,25	94,50%
	Ostali prihodi	11.302,29	5,42%
	Ukupni prihodi:	208.556,83	100,00%

U godišnjem finansijskom izvještaju politička stranka je iskazala ukupne rashode u iznosu od 215.161,30 KM.

2. PREDSTAVLJANJE POLITIČKE STRANKE

Naziv političke stranke: Bosanska stranka „BOSS“. Skraćeni naziv stranke je „BOSS“.

Politička stranka je registrovana 24.05.2002.godine u Kantonalnom sudu u Tuzli, broj upisa R-I-4/2.

Sjedište političke stranke je u Tuzli, ulica Stari grad 9 (Koišino br 7).

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2006. godinu je Nedžad Zonić.

Prema podacima iz finansijskog izvještaja „BOSS“ nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj „BOSS“-a za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je „BOSS“ u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Bosanske stranke „BOSS“ za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 8. stav 1. i 11. stav 3. Zakona o finansiranju političkih stranaka. Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

Realizovane preporuke:

Utvrđeno je da je stranka postupila u skladu sa preporukama i da postupa sa odredbama člana 8. stav 1., tj. da ne prima zabranjene priloge.

Nerealizovane preporuke:

Na osnovu uočenih nedostataka u izvještaju, utvrđeno je da stranka ne popunjava obrasce finansijskih izvještaja u skladu sa Pravilnikom o godišnjim finansijskim izvještajima političkih stranaka.

5. NALAZI KANCELARIJSKE REVIZIJE

5.1. NALAZI

Na osnovu obavljene kancelarijske revizije godišnjih finansijskih izvještaja utvrđeno je da je stranka prekršila odredbe člana 11. stav 3. Zakona o finansiranju političkih stranaka.¹

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04).

Stranka je na obrascu prihoda iz budžeta iskazala prihode iz budžeta Općine Živinice u iznosu od 13.000,00 KM i u posebnoj specifikaciji uz obrazac 3. iskazala kamate u iznosu od 9.631.60 KM a

¹Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima i u formi koje je odobrila CIK BiH.

na osnovu presude² Općinskog suda u Živinicama. Uvidom u dokumentaciju koju je stranka dostavila, utvrđeno je da je „BOSS“ u toku 2006. godine od Općine Živinice primio sredstva u iznosu od 24.996,75 KM od čega: 2.545,00 KM na ime naknade za troškove parničnog postupka, 20.808,00 KM na ime duga iz ranijih godina³ i 1.643,70 KM na ime zateznih kamata. Iz svega navedenog, slijedi da stranka nije pravilno iskazala prihode iz budžeta i prihode od kamata.

Troškovi predizborne kampanje

Bosanska stranka „BOSS“ je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 70.236,61 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH „BOSS“ su mogli potrošiti 1.178.212,10 KM.

5.2. PREPORUKE

Preporučuje se Bosanskoj stranci „BOSS“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- da postupa u skladu sa odredbama člana 11. stav 3. Zakona o finansiranju političkih stranaka.

KOMENTAR:

Bosanska stranka „BOSS“ je u ostavljenom roku dostavila odgovor na Preliminarni izvještaj o pregledu godišnjeg finansijskog izvještaja za 2006. godinu. Uz odgovor je dostavljen i ispravljeni i dopunjeni godišnji finansijski izvještaj za 2006. godinu čime je stranka djelimično otklonila nedostatke u popunjavanju obrazaca godišnjeg finansijskog izvještaja. Stranka je, takođe, dostavila ugovore o zakupu poslovnih prostorija u Zavidovićima, Sarajevu i Tuzli. Ugovorom za poslovni prostor u Zavidovićima, koji je sklopljen tokom obavljanja pregleda finansijskih izvještaja, je predviđeno da se obaveze po osnovu zakupa poslovnih prostorija za period od 01.01. do 31.12.2006. godinu izmire u 2008. godini, što je i učinjeno 23.04.2008. godine. Takođe, stranka je dostavila račun za zakupninu poslovnih prostorija u Tuzli za period od 01.01. do 27.11.2006. godine i ugovor o korištenju poslovnih prostorija u Sarajevu, čime je stranka ispoštovala odredbe člana 8. stav 1. Zakona o finansiranju političkih stranaka. Sve argumentovane i osnovane primjedbe su ugrađene u Izvještaj o pregledu godišnjeg finansijskog izvještaja Bosanske stranke „BOSS“ za 2006. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora

² Presuda Općinskog suda u Živinicama, broj: Ps-16/03 od 28.01.2004. godine.

³ Potraživanja sredstva iz budžeta općine Živinice za 1999. i 2000. godine, na koja je Bosanska stranka u tom periodu ostvarila pravo kao parlamentarna stranka u Općinskom vijeću Živinice.

⁴ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.